



"Inspiracija": Nejra Čehajić, profesorica bosanskog i InŠkola influencerica koja vjeruje da dobre ideje nikada ne zastarijeva

Nejra Čehajić, profesorica bosanskog i omladinska aktivistkinja, o tome zašto su dobre ideje moćnije od svakog proizvoda i zašto je InŠkola za nju samo jedna riječ: inspiracija.

The infographic has a green background with yellow and blue circular accents. At the top, there are three logos: the UN Peacebuilding Fund, the United Nations Office in Bosnia and Herzegovina, and 'Dijalog za budućnost'. On the left, a blue circle contains the 'INSKOLA.COM' logo, which is a colorful mandala-like design. Below it, a quote in white text reads: "MATERIJALNE STVARI IZAĐU IZ TREND. DOBRE IDEJE NIKADA NE PRESTAJU BITI AKTUALNE." On the right, a circular portrait of Nejra Čehajić, a woman with glasses and a smile, is shown. At the bottom right, a yellow circle contains the text: "-NEJRA ČEHAJIĆ
STŠ BUGOJNO".

Nejra Čehajić je profesorica bosanskog jezika i književnosti, omladinska aktivistkinja i volonterka kojoj su mladi, kako sama kaže, dio poslovnog ali i ogroman dio privatnog

svijeta. Neodlučna po vlastitom opisu, a odlučna kada je u pitanju jedno: put ka obrazovanju bio je jedini koji je ikada razmatrala.

Književnost je život, gramatika su pravila

Ljubav prema bosanskom jeziku Nejra opisuje jednostavno: voli čitanje, ali voli i red. Jedno bez drugog ne ide. U toj rečenici stoji cijela njena filozofija obrazovanja.

"Književnost je život, gramatika su pravila, jedno bez drugog ne ide.

Ambasadorica sam ljubavi prema pisanoj riječi, jer sve što čitamo danas oblikovaće nas već sutra, a niko ne želi da bude ona osoba koja će samo proći kroz život, nego da i život prođe kroz nju."

Na pitanje kada je shvatila da je obrazovanje prostor u kojem želi ostaviti trag, Nejra odgovara bez oklijevanja: vjerovatno s prvim udahom ili prvom bajkom. Nije postojala druga opcija. Pred upis na fakultet nije mijenjala izbor zanimanja, nego samo gradove u kojima će krenuti ka ostvarenju te misije.

U učionici ima mjesta za sve boje

Nejri u radu s mladima nije najvažnije prenijeti gradivo. Najvažnije joj je razviti kritičko mišljenje, jer, kako kaže, život nije crno-bijel.

"Život je prepun boja koje nude lepezu osjećanja. Kako da saznamo više i kako da informacije koristimo na pravi način, mala je misija za velike umove u mojim učionicama."

Vrijednosti koje nosi u učionicu su jednostavne i jasne: povjerenje, poštovanje, iskrenost. A od profesora koje je imala skupljala je primjere dobre prakse, s jednom željom: da i sama jednog dana

bude ona koja nekome ostavi trag.

"Ono što želim postati jeste inspiracija. Da neko jednog dana kaže: oh, i ja bih htjela biti poput nje."

Prva prezentacija, četiri vaspitačice i hiljadu pitanja

Kada je odabrana za InŠkola influencericu, Nejra je dugo čekala suglasnost za promocije u svom kantonu. Kada je konačno krenula, prva prezentacija bila je u jednom vrtiću, u manjoj grupi od četiri vaspitačice.

"S tako malom grupom lahko je razgovarati o svemu: o odgoju, obrazovanju, ali i nizu mogućnosti koje Step nudi. Kada me neko nakon prezentacije pita: pa ovo je baš zanimljivo, to mi je najznačajniji trenutak."

Na nekim prezentacijama su kolege imali hiljadu pitanja i razmjenjivali ideje. Na nekima su bili mirniji. Ali uvijek je nastojala prenijeti jedno: da ne požale što su odvojili svoje vrijeme.

Pitanje koje je ostalo urezano

Jedno pitanje s promocija Nejra i danas pamti. Kolega je upitao: "Šta mislite o nastavnicima koji na posao dolaze zbog plate?"

"Shvatila sam da u očima pojedinaca izgledam kao ekspert za odgoj i obrazovanje, a zapravo sam neko ko nema ni pet godina radnog iskustva. Trebalo je sastaviti odgovor koji će prikazati da zbog plate i dolazimo na posao jer egzistencija jeste važna, ali da zapravo ljubav prema obrazovanju čini naš posao magičnim."

InŠkola nije samo platforma, to je mreža

Nejra InŠkolu opisuje kao društvenu mrežu sličnu Facebooku, ali s jednom ključnom razlikom: tu se nalaze ljudi koji dijele istu ljubav prema djeci i obrazovanju. Prostor gdje ne treba brinuti da ćeš dosaditi ako razgovor skrene na učenike.

"Prosvjetni radnici o čemu god krenu da pričaju, u jednom trenutku će doći na temu učenika. Ova platforma nudi priliku da se o tome priča koliko god želimo."

Kao najveću vrijednost InŠkole ističe umrežavanje i jedno vrijedno uvjerenje:

"Ne kradem ideje, ja posuđujem primjere dobre prakse."

Influencerica koja promovira ideju, ne proizvod

Na pitanje šta znači biti influencersica kada ne promoviraš proizvod nego ideju i zajednicu, Nejra ima spreman odgovor.

"Materijalne stvari brzo izblijede i izgube sjaj, izađu iz trenda. Dobre ideje nikada ne prestaju biti aktualne. Šireći ih, one samo rastu i postaju kvalitetna budućnost."

Promocije su je naučile da u obrazovanju ima mnogo posvećenih, kreativnih i motivisanih ljudi koji imaju dobre ideje i iskrenu želju za promjenom, ali im treba prostor da se povežu.

Poruka onima koji misle da su premladi

Mladima koji oklijevaju da se uključe u obrazovne inicijative jer misle da nemaju dovoljno iskustva, Nejra poručuje:

"Za mladog čovjeka ne postoje prepreke. Sve što želiš, nauči. Sve što ne znaš, savladaj. Svi su jednog dana bili upravo tamo gdje si ti sada, zahvaljujući svojoj znatiželji rasli su i dotakli

nebo."

A nastavnicima i nastavnicama koji još nisu dio InŠkole poručuje:

"Biti dio ovakve grupe isto je kao imati super moć. Letite, a krila su vam kolege s kojima zajedno rastete."

Inspiracija.

Pridružite se zajednici nastavnika i nastavnica, vaspitača i vaspitačica, studentica i studenata na InŠkoli:

<https://inskola.com>

Aktivnosti se realizuju u okviru projekta Dijalog za budućnost 3 – #DFF3, kojeg provode UNDP Bosnia and Herzegovina, UNICEF Bosna i Hercegovina i UNESCO u saradnji sa Rezidentnom koordinatoricom United Nations in BiH, te u partnerstvu s Predsjedništvom Bosne i Hercegovine i Ministarstvom civilnih poslova Bosne i Hercegovine. Projekt finansira United Nations Peacebuilding (#PBF).

#DFF3 #dijalogzabuducnost3 #dialogueforthefuture3 #PBF #ZajednicaNastavnika

Collections

Objava